

SAMÞYKKT

um breytingu á samþykkt um stjórn og fundarsköp Sveitarfélagsins Skagafjarðar nr. 344/2002.

53. gr. samþykktarinnar verður svohljóðandi:

Nefndir, ráð og stjórnir. Tilnefningar og kosningar.

Sveitarstjórn kýs í eftirtaldar nefndir, ráð og stjórnir:

A. **Til eins árs.** Á fundi í júní ár hvert.

1. *Forseti sveitarstjórnar* skv. 14. gr. sveitarstjórnarlaga nr. 45/1998.
2. *Fyrsti varaforseti sveitarstjórnar.*
3. *Annar varaforseti sveitarstjórnar.*
4. *Tveir skrifarar sveitarstjórnar* og jafnmargir til vara úr hópi sveitarstjórnarfulltrúa.
5. *Byggðarráð.* Þrjú aðalfulltrúar úr sveitarstjórn sem aðalmenn og jafnmargir til vara skv. 38. gr. sveitarstjórnarlaga nr. 45/1998. Byggðarráð fer ásamt sveitarstjóra með framkvæmdastjórn sveitarfélagsins, hefur á hendi alla fjármálalega umsýslu og ber ábyrgð á stjórnarsýslu og áætlanagerð sveitarfélagsins.
6. *Kjörstjórn.* Þrjú aðalmenn og jafnmargir til vara skv. 15. gr. laga um kosningar til Alþingis nr. 24/2000 og 14. gr. laga um kosningar til sveitarstjórna nr. 5/1998.
7. *Undirkjörstjórnir* fyrir kjördeildir á Hofsósi, Hólum, Sauðárkróki, í Skagaseli, Fljótum, á Steinsstöðum, í Varmahlíð og á Heilbrigðisstofnun Skagafjarðar. Þrjú aðalmenn og jafnmargir til vara í undirkjörstjórn hverrar deildar.

B. **Fastanefndir kosnar til fjögurra ára.** Á fyrsta eða öðrum fundi að afloknum sveitarstjórnarkosningum. Skoðunarmenn skulu þó kosnir á fyrsta fundi skv. 69. gr. sveitarstjórnarlaga.

1. **Fjölskyldu- og þjónustusvið:**

- 1.1 *Fræðslu- og menningarnefnd.* Sveitarstjórn kýs þrjú aðalmenn og jafnmarga til vara í nefndina. Skulu þeir allir vera aðal- eða varamenn í sveitarstjórn. Nefndin fer með verkefni grunnskóla samkvæmt lögum um grunnskóla nr. 66/1997, verkefni leikskóla samkvæmt lögum um leikskóla nr. 78/1994, verkefni tónlistarskóla samkvæmt lögum um stuðning við tónlistarskóla nr. 75/1985, verkefni framhaldsskóla samkvæmt ákvæðum framhaldsskólalaga nr. 80/1996, auk samstarfs við menntastofnanir, fullorðinsfræðslu og endurmenntun. Nefndin fer og með málefni bókasafna samkvæmt lögum um almenningsbókasöfn nr. 36/1997, málefni skjalasafna samkvæmt lögum nr. 66/1985 og verndun gamalla húsa og fornra minja samkvæmt þjóðminjalögum nr. 88/1989. Nefndin fer með málefni félagsheimila og almennt með menningarmál í sveitarfélaginu. Auk ofangreindra verkefna getur sveitarstjórn falið nefndinni ýmis verkefni með erindisbréfum.
- 1.2 *Félags- og tómstundanefnd.* Sveitarstjórn kýs þrjú aðalmenn og jafnmarga til vara. Skulu þeir allir vera aðal- eða varamenn í sveitarstjórn. Nefndin fer með verkefni jafnréttisnefndar samkvæmt lögum um jafna stöðu og jafnan rétt kvenna og karla nr. 96/2000, verkefni húsnaðisnefndar samkvæmt lögum um húsnaðismál nr.

44/1998, málefni félagsþjónustu eins og þau eru skilgreind í lögum um félagsþjónustu sveitarfélaga nr. 40/1991, hefur umsjón með daggæslu í heimahúsum, málefnum fatlaðra samkvæmt lögum nr. 59/1992 og öldrunarmálum samkvæmt lögum um málefni aldraðra nr. 125/1999. Nefndin fer með íþróttá- og æskulýðsmál, einnig vinnumál og heilbrigðismál. Sveitarstjórn setur sérstaka samþykkt um afgreiðslur félagsmálastjóra sem ekki þurfa staðfestingu nefndarinnar. Auk ofangreindra verkefna getur sveitarstjórn falið nefndinni ýmis verkefni með erindisbréfum.

- 1.3 *Barnaverndarnefnd*. Nefndin skal skipuð fimm aðalmönnum og jafnmörgum til vara. Sveitarstjórn Skagafjarðar kýs fjóra en hreppsnefnd Akrahrepps kýs einn fulltrúa samkvæmt C-lið þessarar greinar. Verkefni barnaverndarnefndar eru samkvæmt barnaverndarlögum nr. 80/2002.
2. **Umhverfis- og tæknisvið:**
 - 2.1 *Skipulags- og byggingarnefnd*. Sveitarstjórn kýs þrjá aðalmenn og jafnmarga til vara. Skulu þeir allir vera aðal- eða varamenn í sveitarstjórn. Nefndin fer með byggingar- og skipulagsmál samkvæmt skipulags- og byggingarlögum nr. 73/1997 og umferðarmál samkvæmt umferðarlögum nr. 50/1987. Sveitarstjórn setur sérstaka samþykkt um afgreiðslur byggingarfulltrúa sem ekki þurfa staðfestingu nefndarinnar. Auk ofangreindra verkefna getur sveitarstjórn falið nefndinni ýmis verkefni með erindisbréfum.
 - 2.2 *Landbúnaðarnefnd*. Sveitarstjórn kýs þrjá aðalmenn og jafnmarga til vara. Skulu þeir allir vera aðal- eða varamenn í sveitarstjórn. Verkefni nefndarinnar eru m.a. að sjá um framkvæmd laga um búfjárhald o.fl. nr. 103/2002 og hafa yfirumsjón með fjallskilamálum í samræmi við ákvæði fjallskilareglugerðar Skagafjarðarsýslu nr. 488/1998. Undir starfssvið nefndarinnar falla lög um landgræðslu nr. 17/1965. Nefndin hefur umsjón með eyðingu refa og minka samkvæmt lögum nr. 4/1994. Nefndin hefur umsjón með þeim jarðeignum sveitarfélagsins sem nýttar eru til landbúnaðar. Nefndin gerir tillögu um kosningu í Skarðsárnefnd samkvæmt samningi þar um. Einnig hefur nefndin eftirlit með girðingum skv. 37. og 39. gr. vegalaga nr. 45/1994. Auk ofangreindra verkefna skal nefndin sinna öðrum þeim verkefnum sem sveitarstjórn felur henni með erindisbréfum.
 - 2.3 *Samgöngunefnd*. Sveitarstjórn kýs þrjá aðalmenn og jafnmarga til vara. Skulu þeir allir vera aðal- eða varamenn í sveitarstjórn. Nefndin fer með hafnarmál samkvæmt hafnalögum nr. 23/1994 og samgöngumál almennt í sveitarfélaginu. Auk ofangreindra verkefna getur sveitarstjórn falið nefndinni ýmis verkefni með erindisbréfum.
 - 2.4 *Atvinnu- og ferðamálanefnd*. Sveitarstjórn kýs þrjá aðalmenn og jafnmarga til vara. Skulu þeir allir vera aðal- eða varamenn í sveitarstjórn. Nefndin fjallar um atvinnu- og ferðamál í Skagafirði og skal móta stefnu í þeim málaflokkum og forgangsraða aðgerðum sem nefndin telur brýnast á hverjum tíma. Einnig skal nefndin hafa yfirsýn yfir atvinnulíf í Skagafirði, fylgjast með þróun, stöðu og horfum í atvinnumálum sveitarfélagsins og taka þátt í umræðu um atvinnumál af hálfu sveitarfélagsins og stuðla að atvinnuuppbyggingu og nýsköpun í Skagafirði. Enn fremur skal nefndin greina leiðir til þess að efla atvinnulíf á svæðinu og skal í því skyni hafa náð samstarf við fyrirtæki og stofnanir sem hafa með atvinnumál að gera svo og við mennta- og rannsóknarstofnanir. Auk ofangreindra verkefna getur sveitarstjórn falið nefndinni ýmis verkefni með erindisbréfum.
 - 2.5 *Umhverfisnefnd*. Sveitarstjórn kýs þrjá aðalmenn og jafnmarga til vara. Skulu þeir allir vera aðal- eða varamenn í sveitarstjórn. Nefndin fer með málefni sem varða náttúruverndarlög nr. 44/1999 og heilbrigðismál samkvæmt lögum um hollustu-

hætti og mengunarvarnir nr. 7/1998. Umhverfisnefnd vinnur að móttun umhverfisstefnu fyrir sveitarfélagið. Við gerð svæðis- og aðalskipulagsáætlana skal leita eftir umsögn nefndarinnar í þeim málum sem hana varðar. Þá skal skipulags- og byggingarnefnd hafa samráð við nefndina um aðra deiliskipulagsvinnu varðandi mál efni sem heyra undir umhverfisnefnd í samræmi við skipulagsreglugerð nr. 400/1998 og byggingarreglugerð nr. 441/1998. Auk ofangreindra verkefna getur sveitarstjórn falið nefndinni ýmis verkefni með erindisbréfum.

Fundargerðir fastanefnda skal afgreiða á fundum sveitarstjórnar.

C. Kosningar í stjórnir, samstarfsnefndir og ráð til fjögurra ára.

1. *Landsþing Sambands íslenskra sveitarfélaga*. Þrír aðalmenn og þrír til vara skv. 4. gr. laga sambandsins.
2. *Árþing SSNV*. Tíu aðalmenn og jafnmargir til vara samkvæmt samþykkt SSNV frá 6. maí 1998.
3. *Fulltrúaráð Eignarhaldsfélags Brunabótafélags Íslands*. Einn aðalmaður og einn til vara skv. 9. gr. laga um Eignarhaldsfélag Brunabótafélags Íslands nr. 68/1994.
4. *Stjórn Sparisjóðs Hólahrepps*. Tveir fulltrúar.
5. *Aðal- og hluthafafundur húseigna Skagafjarðar*. Þrír aðalmenn og þrír til vara.
6. *Aðal- og hluthafafundur Skagafjarðaveitna*. Þrír aðalmenn og þrír til vara.
7. *Húsnæðissamvinnufélag Skagafjarðar*. Einn fulltrúi og annar til vara.
8. *Kjaranefnd*. Tveir fulltrúar.
9. *Starfskjaranefnd*. Tveir aðalmenn og jafnmargir til vara samkvæmt kjarasamningi frá 1. maí 1992.
10. *Starfsmenntunarsjóður*. Einn aðalmaður og annar til vara samkvæmt kjarasamningi frá 1. maí 1992.
11. *Almannavarnanefnd*. Sveitarstjórn kýs tvo aðalfulltrúa og tvo til vara.
12. *Stjórn Dvalarheimilis á Sauðá*. Tveir fulltrúar.
13. *Þjónustuhópur aldraðra*. Tveir fulltrúar.
14. *Úttektarmenn*. Tveir úttektarmenn og tveir til vara.
15. *Stjórn Hestamiðstöðvar Íslands*. Tveir aðalmenn og tveir til vara.
16. *Fulltrúaráð Hestamiðstöðvar Íslands*. Einn fulltrúi.
17. *Framkvæmdastjórn Byggðasögu*. Einn aðalmaður og annar til vara.
18. *Utanfararsjóður sjúkra í Skagafirði*. Þrír fulltrúar.
19. *Stjórn Minningarsjóðs Þórönnu Gunnlaugsdóttur og Halldórs Jónssonar*. Tveir aðalmenn og tveir til vara.
20. *Styrktarsjóður Guðrúnar Þ. Sveinsdóttur*. Tveir fulltrúar.
21. *Stjórn Skógræktarsjóðs Skagfirðinga*. Þrír fulltrúar.
22. *Samstarfsnefnd með Akrahreppi*. Tveir fulltrúar.
23. *Heilbrigðisstofnunin á Sauðárkróki*. Þrír aðalmenn og þrír til vara.
24. *Stjórn Menningarseturs Skagafjarðar í Varmahlíð*. Fimm aðalmenn og jafnmargir til vara.
25. *Samvinnunefnd svæðisskipulags miðhálandis Íslands*. Einn aðalmaður og annar til vara.
26. *Heilbrigðisnefnd Norðurlands vestra*. Tveir aðalmenn og tveir til vara.
27. *Barnaverndarnefnd*. Fimm aðalmenn og fimm til vara (sjá B-lið tölul. 1.3)

Nefndir nr. 22–27 eru sameiginlegar fyrir Akrahrepp og Sveitarfélagið Skagafjörð í samræmi við samkomulag við Akrahrepp um hvernig að kosningum skuli staðið. Fundargerðir framantalinna nefnda, þ.e. í C-lið, að barnaverndarnefnd undanskilinni, skulu fara til umfjöllunar og afgreiðslu í byggðarráði.

Nr. 582

29. júlí 2002

Samþykkt þessi, sem samin er af sveitarstjórn Sveitarfélagsins Skagafjarðar samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

Félagsmálaráðuneytinu, 29. júlí 2002.

F. h. r.

Sesselja Árnadóttir.

Guðjón Bragason.